

Broj: 01-11-14-887-11/26  
Sarajevo, 17.6.2026. godine

Na temelju člana 70. Zakona o javnim nabavkama („Službeni glasnik BiH”, br. 39/14, 59/22 i 50/24), Plana nabavki Federalne uprave za geodetske i imovinsko-pravne poslove, broj: 01-11-14-608/26 od 25.3.2026. godine, Odluke o pokretanju otvorenog postupka zajedničke javne nabavke usluga - „USPOSTAVA KATASTRA NEKRETNINA NA PODRUČJU GRADA STOČA“, broj: 01-11-14-887/26 od 29.4.2026. godine, te preporuke Komisije za javnu nabavku date u Zapisniku o ocjeni ponuda, broj: 01-11-14-887-10/26 od 16.6.2026. godine, direktor Federalne uprave za geodetske i imovinsko-pravne poslove  
d o n o s i

## **O D L U K U**

### **o izboru najpovoljnijeg ponuđača za zajedničku javnu nabavku usluga – „USPOSTAVA KATASTRA NEKRETNINA NA PODRUČJU GRADA STOČA“**

#### **I**

Prihvata se preporuka Komisije za provođenje otvorenog postupka zajedničke javne nabavke usluga - „USPOSTAVA KATASTRA NEKRETNINA NA PODRUČJU GRADA STOČA“, data u Zapisniku o ocjeni ponuda, broj: 01-11-14-887-10/26 od 16.6.2026. godine, da se za najpovoljniju ponudu prihvati ponuda ponuđača GEOMETRIKA d.o.o Grude.

#### **II**

Ponuđaču GEOMETRIKA d.o.o Grude, u skladu sa Ponudom, broj: 03-06/26 od 3.6.2026. godine, i cijenom ponude u iznosu od 286.275,00 KM bez PDV-a, dostavit će se prijedlog okvirnog sporazuma za zajedničku javnu nabavku usluga - „Uspostava katastra nekretnina na području grada Stoca“.

#### **III**

Izabrani ponuđač GEOMETRIKA d.o.o Grude je uz ponudu dostavio sve kvalifikacijske dokumente i dokaze iz izjava, odnosno iz uslova propisanih tenderskom dokumentacijom.

#### **IV**

Odluka o izboru najpovoljnijeg ponuđača dostavit će se odabranom ponuđaču GEOMETRIKA d.o.o Grude u roku od tri (3) dana, a najkasnije u roku od sedam (7) dana od dana donošenja, preporučenom poštom ili neposredno.

#### **V**

Ova odluka stupa na snagu danom donošenja.

## Obrazloženje

Na temelju Zakona o javnim nabavkama („Službeni glasnik BiH“, br. 39/14, 59/22 i 50/24) i Plana nabavki za 2026. godinu, broj: 01-11-14-608/26 od 25.3.2026. godine, Federalna uprava za geodetske i imovinsko-pravne poslove (u daljem tekstu: ugovorni organ) je putem Odluke o nabavci, broj: 01-11-14-887/26 od 29.4.2026. godine, pokrenula otvoreni postupak zajedničke javne nabavke usluga - „USPOSTAVA KATASTRA NEKRETNINA NA PODRUČJU GRADA STOČA“, za koji je na web Portalu Agencije za javne nabavke BiH objavila tendersku dokumentaciju i Obavještenje o nabavci, broj: 399-1-2-9-3-9/26 od 29.4.2026. godine.

Postupak je provela Komisija za javnu nabavku (u daljem tekstu: Komisija) imenovana Rješenjem direktora Federalne uprave za geodetske i imovinsko-pravne poslove, broj: 01-11-14-887-1/26 od 29.4.2026. godine, koja je o istom sačinila Zapisnik o zaprimanju ponuda, broj: 01-11-14-887-7/26 od 16.6.2026. godine, Zapisnik o otvaranju ponuda, broj: 01-11-14-887-8/26 od 16.6.2026. godine, te Zapisnik o ocjeni ponuda, broj: 01-11-14-887-10/26 od 16.6.2026. godine.

U skladu sa tenderskom dokumentacijom i obavještenjem o nabavci sa web Portala Agencije za javne nabavke BiH, dana 16.6.2026. godine u 10:30h, na adresi ovog ugovornog organa, bez prisustva predstavnika ponuđača, izvršeno je javno otvaranje blagovremeno dostavljenih ponuda, i to:

### 1) GEOMETRIKA d.o.o Grude

Po predmetnom nadmetanju, Komisija je ustanovila da je do roka utvrđenog tenderskom dokumentacijom i obavještenjem o nabavci dostavljena ukupno jedna (1) ponuda za predmetnu nabavku usluga, i to ponuda ponuđača GEOMETRIKA d.o.o Grude.

Pregledom i analizom zaprimljene ponude, Komisija je konstatovala da je predmetna ponuda dostavljena na način predviđen tenderskom dokumentacijom, da je cijena ponude u iznosu koji je nešto niži od procijenjene vrijednosti ove vrste nabavke usluga, zatim da je ponuđač GEOMETRIKA d.o.o Grude kvalifikovan za pružanje predmetnih usluga, te da je uz ponudu dostavljena sva obligatorna kvalifikaciona dokumentacija i dokazi propisani tenderskom dokumentacijom.

Komisija je također utvrdila da ponuda ne sadrži formalno-pravne, odnosno tehničke nedostatke u odnosu na tendersku dokumentaciju, a koji bi eventualno bili razlog za odbacivanje iste.

Tačkom 3.7. tenderske dokumentacije ovaj ugovorni organ je za predmetnu nabavku usluga propisao postupak E-aukcije, međutim imajući u vidu da je zaprimljena samo jedna prihvatljiva ponuda, to u skladu sa odredbom člana 3. stav (3) Pravilnika o uslovima i načinu korištenja E-aukcije („Službeni glasnik BiH“, broj 66/16) nije bilo osnova za zakazivanje postupka E-aukcije.

Uzimajući u obzir naprijed navedeno, kao i kriterij prihvatljive ponude sa najnižom cijenom kao uslova za dodjelu okvirnog sporazuma, kako je to propisano tačkom 3.6. tenderske dokumentacije, Komisija je ocijenila da je ponuda ponuđača GEOMETRIKA d.o.o Grude formalno-pravno i tehnički prihvatljiva, da ispunjava sve uslove tražene tenderskom dokumentacijom i projektnim zadatkom, te je stoga direktoru Federalne uprave za geodetske i imovinsko-pravne poslove jednoglasno predložila donošenje odluke o izboru ove ponude kao najpovoljnije za predmetnu nabavku usluga.

U postupku donošenja ove odluke, prihvata se preporuka i obrazloženje Komisije, dato u Zapisniku o ocjeni ponuda broj: 01-11-14-887-10/26 od 16.6.2026. godine, da se za najuspješniju ponudu u otvorenom postupku zajedničke javne nabavke usluga – „USPOSTAVA KATASTRA NEKRETNINA NA PODRUČJU GRADA STOČA“ prihvati ponuda ponuđača GEOMETRIKA d.o.o Grude, a koja ponuda je ocijenjena kao prihvatljiva, formalno-pravno i tehnički kvalifikovana, a ujedno i najpovoljnija, sa cijenom ponude u iznosu od 286.275,00 KM bez PDV-a.

U analizi provedenog postupka, ugovorni organ nije našao razloge nepravilnosti, niti propuste u radu koji bi eventualno bili osnov za neprihvatanje preporuke Komisije, te je stoga odlučeno kao u dispozitivu ove odluke.

**Pouka o pravnom lijeku:** U skladu sa odredbama člana 101. stav (1) Zakona o javnim nabavkama, protiv ove odluke može se uložiti žalba u roku od deset (10) dana od dana zaprimanja. Žalba se podnosi Uredu za razmatranje žalbi putem ugovornog organa u pisanoj formi direktno ili preporučenom poštanskom pošiljkom. Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).

  
**DIREKTOR**  
Željko Obradović, dipl.inž.geod.

**Prilog:** Zapisnik o ocjeni ponuda

**DOSTAVITI:**

1. GEOMETRIKA d.o.o Grude;
2. Uprava za geodetske i imovinsko-pravne poslove HNK/Ž
3. Sektor za katastar - o v d j e;
4. U spis.

